

Exod. 22.

Die Zauberer soltu nit lassen leben.

Leuit. 19.

Ir solt euch nicht wenden zu den Warsagern/vnnd fraget nit von den Zeichendeutern/das ihr nicht an ihu berunreiget werden. Ich bin der Herr ewer Gott.

Leuit. 20.

Wenn ein seel sich zu di Warsagern/vn des teuffels weissagern wenden wirt/das sie jnen huret / so will ich mein angesicht wider dieselbe Seele setzen/vnd will sie tödten mitten auß jrem Volck.

Ibidem.

Wenn ein Mann oder Weib ein Waarsager oder des teuffels Weissager sein wirt/vnnd den warsager geist hat/die sollen des todts sterben.

Deut. 18.

Wenn du in das Land kompst / das der Herr dein Gott geben wirt / hüte dich das du nachfolgen wöllest dengrewelen diser Völcker/das nicht vnder dir funden werd / der sein Son oder Tochter durchs feur gehen laß/oder ein Weissager/oder ein träumer/ oder ein tagweler/ oder der auff vogelgeschrey achte / oder zauberer/ oder beschwerer / oder der von warsagern frage / oder ein zeichendeuter/ oder der die warheit von den todtes frage. Dann wer solchs thut/der ist dem Herrn ein grewel: vnnd vmb solcher grewel willen wirt sie der Herr dein Gott vor dir her in deinem eingang vertilgen. Du aber solt vollkommen/vnd auffrecht/vnd on mackel sein mit dem Herrn deinem Gott. Dann dise Völcker die du einnemen wirt/gehorchen den zaubern/tagwölchern/vnd weissagern.